



ZAVOD ZA JAVNO ZDRAVSTVO FBiH
INSTITUTE FOR PUBLIC HEALTH FB&H

Broj: S-04-02-3-739-1/24

Datum, 24. 5. 2024.

VLADA FEDERACIJE BIH
dr. sc. Edita Kalajdžić, sekretar Vlade

FEDERACIJA BOSNE I HERCEGOVINE
PARLAMENT FEDERACIJE
ZASTUPNIČKI/ PREDSTAVNIČKI DOM
n/r Ivan Miličević, tajnik

Bosna i Hercegovina
Federacija Bosne i Hercegovine
PARLAMENT FEDERACIJE
SARAJEVO

Primijeno: 27-05-2024			
Org. Jed.	Broj	Priloga	Vrijednost
05/1	02	231	24

Predmet: Zastupnička inicijativa zastupnice Bisenije Mušedinović, dostava odgovora

Veza: Dopis Vlade F BiH broj: 03-04-838-25/2024. od 26. 4. 2024.

Veza: Dopis Zastupničkog doma Parlamenta F BiH broj 05/I-02-231/24 od 23. 4. 2024.

Poštovani,


Dostavljamo Vam odgovor na inicijativu zastupnice Bisenije Mušedinović u Predstavničkom domu Parlamenta Federacije Bosne i Hercegovine, koju je poslanica podnijela na nastavku 10. redovne sjednice Predstavničkog doma Parlamenta Federacije BiH, održane 22. 4. 2024. godine.

Zdravstvene ustanove i nosioci privatne prakse, kao i druga pravna i fizička lica koja u okviru svoje djelatnosti obavljaju poslove iz oblasti zdravstva, dužni su voditi evidencije u skladu sa Zakonom o evidencijama iz oblasti zdravstva („Službene novine FBiH“, broj: 37/12), te propisima donesenim na osnovu ovog Zakona, kao što su: Pravilnik o obliku i sadržaju osnovne medicinske dokumentacije („Službene novine FBiH“, broj: 61/18, 72/22), Pravilnik o obliku, sadržaju i načinu vođenja individualnih izvještajnih obrazaca i drugih pomoćnih obrazaca za vođenje evidencija („Službene novine FBiH“, broj: 61/18, 72/22), Pravilnik o načinu i rokovima dostavljanja i obliku i formi zbirnih izvještajnih obrazaca („Službene novine FBiH“, broj: 61/18, 72/22), kao i Zakonom o zdravstvenoj zaštiti („Službene novine FBiH“, broj: 46/10 i 75/13). Zdravstvene ustanove i nosioci privatne prakse su dužne voditi evidencije u pisanoj i elektronskoj formi i u propisanim rokovima dostavljati individualne, zbirne i periodične izvještaje nadležnim zavodima za javno zdravstvo, kao i drugim institucijama na način propisan Programom i Planom provođenja statističkih istraživanja od interesa za Federaciju Bosne i Hercegovine.

S ciljem jačanja sistema informisanja stanovništva ili pojedinca, Zavod za javno zdravstvo Federacije Bosne i Hercegovine je uveo informatičko/softversko rješenje RegiZ za sve zdravstvene ustanove na području Federacije BiH. Zakonska obaveza upotrebe Registra malignih neoplazmi je od 1. 1. 2023. godine u skladu s važećim Pravilnikom o obliku, sadržaju i načinu vođenja individualnih izvještajnih obrazaca i drugih pomoćnih obrazaca za vođenje evidencija („Službene novine FBiH“, broj: 61/18, 72/22). Navedene aktivnosti su u skladu sa Strategijom razvoja Federacije Bosne i Hercegovine 2021 - 2027., a koja nalaže mjeru naziva: „Jačati informatizaciju i digitalizaciju sistema zdravstvene zaštite“, koju pratimo kroz indikator „Informatička uvezana primarna, sekundarna i tercijarna zdravstvena zaštita u kantonima“.

Obzirom na to da je postojeći informacioni sistem/softversko rješenje nedostantno te da do sada nismo osigurali sredstva iz budžeta za održavanje i unapređenje istog, cijenili bismo Vašu podršku, kao i podršku Predstavničkog doma Parlamenta Federacije Bosne i Hercegovine. Podrška je neophodna za unapređenje registara u skladu sa EU direktivama, a to uključuje unapređenje postojećeg softvera, uvođenje QR kodova za svaku prijavu, digitalnog potpisa te ostalih zaštitnih mjera koje su neophodne. Ove inicijative zahtijevaju značajna finansijska sredstva koja nisu predviđena postojećim proračunima, te bismo tu podršku izuzetno cijenili.

S poštovanjem!




DIREKTOR

Siniša Skočibušić
prim. dr. sc. Siniša Skočibušić, dr. med.

Prilog 1.


Zadnje dostupni podaci o malignim neoplazmama kao uzrocima smrti u Federaciji BiH

Grafikon 1. Maligne neoplazme kao uzroci smrti u FBiH, 2000. – 2022. godine/stopa 100.000 stanovnika



U Grafikonu 2. prikazan je trend morbiditeta i mortaliteta od malignih neoplazmi u Federaciji Bosne i Hercegovine za proteklih deset godina.

Grafikon 2. Mortalitet i morbiditet od malignih neoplazmi za ukupno stanovništvo u FBiH



Stopa obolijevanja (morbiditeta) od malignih neoplazmi u 2022. godini iznosila je 87 na 10.000 stanovnika (navedeni broj je prevalenca, izvor podataka je Zdravstveno statistički godišnjak Federacije Bosne i Hercegovine). Stopa umiranja (mortaliteta) od malignih neoplazmi u 2022. godini iznosila je 206. na 100.000 stanovnika.

Pregled mortaliteta po spolu

Među uzrocima smrti od malignih neoplazmi kod **muškaraca** u 2022. godini vodeća je bila maligna neoplazma bronha i pluća (C34), s učešćem od 30,4 %, i bilježi trend laganog rasta u poređenju s 2021. godinom, slijedi maligna neoplazma prostate (C61), s učešćem od 8,0 % i pokazuje nešto niže vrijednosti nego 2021. godine.

Treća najčešća maligna neoplazma od koje su umirali muškarci u Federaciji BiH u 2022. godini je maligna neoplazma kolona (C18), s udjelom od 6,8% dok je prethodne godine učestalost iznosila 8,5%.

Na četvrtom mjestu u 2022. godini je maligna neoplazma želuca (C16), s učešćem od 7,6%, što je nešto više u poređenju sa 2021. godinom kad je učešće ove maligne neoplazme u umiranju muškaraca bilo 7,5%.

Peta maligna neoplazma od koje su najčešće umirali muškarci Federacije BiH u 2022. godini je maligna neoplazma pankreasa (C25), s udjelom 5,8 %, što je nešto više u odnosu na 2021. godinu kada je udio ove neoplazme u umiranju muškaraca bio 4,3%

Najčešća maligna neoplazma od koje su umirale **žene** u Federaciji Bosne i Hercegovine u 2022. godini bila je maligna neoplazma dojke (C50), s učešćem u ukupnom mortalitetu od malignih neoplazmi među ženama u Federaciji BiH od 16,1 %, što predstavlja lagani porast u usporedbi sa 2021. godinom, kada je učešće ove maligne neoplazme u ukupnom umiranju žena od malignih neoplazmi bilo 15,3%.

Druga najčešća neoplazma od koje su umirale žene Federacije BiH u 2022. godini je maligna neoplazma bronha i pluća (C34), s učešćem od 14,5 %, što predstavlja nešto niže učešće u poređenju sa 2021. godinom kada je udio ove neoplazme u umiranju žena bio 15,5%.

Treća maligna neoplazma od koje su najčešće umirale žene u 2022. godini je maligna neoplazma kolona (C18), s učešćem od 6,7 %, što je nešto manje u odnosu na 2021. godinu, kada je učešće ove neoplazme bilo 7,0 %.

Četvrta najčešća maligna neoplazma koja je bila uzrok smrti u žena u Federaciji BiH 2020. godini je maligna neoplazma pankreasa (C25), s učešćem od 6,0 %, što predstavlja blagi pad u poređenju s 2021. godinom, kada je udio bio 6,3 %,

Peta po učestalosti u 2022. godini bila je maligna neoplazma jetre i intrahepatalnih žučnih vodova (C22) sa udjelom od 5,8 %, dok je u 2021. godini udio ove neoplazme u umiranju žena bio 5,5 %, i nije se ranije nalazila među pet vodećih malignih neoplazmi kao uzroka smrti kod žena.

U cilju prezentiranja podataka i pokazatelja iz područja zdravstva i zdravlja u Federaciji BiH, Zavod za javno zdravstvo Federacije Bosne i Hercegovine, u skladu sa svojim zakonom definisanim položajem i razvijenom suradnjom, izdaje sljedeće publikacije:

-Zdravstveno statistički Godišnjak Federacije Bosne i Hercegovine, dostupno na:

<https://www.zzjzfbih.ba/statisticki-godisnjaci/>

https://www.zzjzfbih.ba/wp-content/uploads/2023/10/Godisnjak-2022_web.pdf

-Zdravstveno stanje stanovništva Federacije Bosne i Hercegovine, dostupno na:

<https://www.zzjzfbih.ba/zdravstvena-stanja-stanovnistva/>